




KOMISIJA ZA ORIJENTACIJU  
PLANINARSKOG SAVEZA FEDERACIJE BOSNE I HERCEGOVINE

Terezija bb – Centar ‘Skenderija’, 71000 Sarajevo, Bosna i Hercegovina  
Tel: +387 (0) 33 55 56 86, e-mail: [bedrag@gmail.com](mailto:bedrag@gmail.com)



**P L A N**  
**rada Komisije za orijentaciju Planinarskog saveza FBiH**  
**za period januar – decembar 2023. godine**  
**(PRIJEDLOG)**

U periodu od 01.01.-31.12.2023. godine Komisija za orijentaciju Planinarskog saveza FiH (u daljem tekstu Komisija) planira svoj rad usmjeriti u dva osnovna pravca:

1. Organizacija i realizacija takmičenja u planinarskoj orijentaciji;
2. Edukacija u oblasti planinarske orijentacije.

1. Organizacija i realizacija takmičenja u planinarskoj orijentaciji:

Kao i svake godine, Komisija planira organizirati 4 takmičarska kola, od kojih 3 planira organizirati i realizirati u periodu od početka mjeseca maja do manifestacije “Dani planinara” u toku koje manifestacije bi se organiziralo i realiziralo četvrto, a ujedno i završno takmičarsko kolo kada bi se zvanično objavili rezultati i plasman ekipa pojedinačno i plasman udruženja u cjelini. U vezi s tim Komisija predlaže da se uputi poziv svim članicama Saveza da se prijave za domaćina jednog od takmičarskih kola.

Obrazloženje:

Komisija planira organizirati 4 takmičarska kola. Pošto se duži niz godina veći broj takmičarskih kola održava na istim lokacijama, kretanje takmičara i pronalaženje kontrolnih tačaka postaje automatsko čime se gubi smisao orijentacije. Znači takmičari su već naučili teren Rude glave i Borovca, Javorja, te Čojluka, tako da nemaju potrebu da koriste znanja iz orijentacije nego se kreću po sjećanju. Zbog toga se nameće potreba da se promijene lokacije takmičenja kako bi kod takmičara do izražaja došla orijentacija u prirodi. U vezi s tim, Komisija planira da se početkom godine svim udruženjima Planinarskog saveza FBiH (u daljem tekstu Savez) uputi poziv za prijavu za domaćina jednog od takmičarskih kola planinarske orijentacije. Osim što bismo osvežili takmičenje novim lokacijama, navedenim bismo među članicama Saveza promovisali planinarsku orijentaciju ne samo kao takmičarski sport, nego i kao rekreativnu aktivnost planinara općenito. U skladu sa zaprimljenim prijavama, Komisija bi napravila raspored takmičenja koji bi blagovremeno bio dostavljen članicama Saveza, a posebno onima koje budu zainteresirane da pošalju takmičarske ekipe na takmičenje. Ukoliko se nijedna članica Saveza ne prijavi kao domaćin, takmičenja će se organizirati i realizirati na lokacijama na kojima su se i do sada održavala.

Tačni datumi nisu navedeni iz razloga što bi se datumi određivali u skladu sa prijavama članica koje žele biti domaćini, odnosno u skladu sa njihovim prijedlozima termina.


2. Edukacije iz oblasti planinarske orijentacije:

Pod ovom stavkom se planira raditi na edukaciji:

- a) Stručnog kadra – trenera i instruktora orijentacije;
- b) Takmičara i
- c) Planinara članova udruženja koja su članovi Saveza – opća planinarska orijentacija.



## KOMISIJA ZA ORIJENTACIJU PLANINARSKOG SAVEZA FEDERACIJE BOSNE I HERCEGOVINE



Terezija bb – Centar 'Skenderija', 71000 Sarajevo, Bosna i Hercegovina  
Tel: +387 (0) 33 55 56 86, e-mail: [bedrag@gmail.com](mailto:bedrag@gmail.com)

### a) Edukacija stručnog kadra:

Do kraja 2022. i u toku 2023. godine, Komisija planira organizirati najmanje jedan tečaj za sticanje zvanja “Trener orijentacije”, a ako se stvore uvjeti i najmanje jedan tečaj za sticanje zvanja “Instruktor orijentacije”.

#### Obrazloženje:

Savez je u deficitu sa stručnim kadrovima iz oblasti orijentacije, tačnije Savez trenutno ima samo jednog instruktora orijentacije, a zbog čije starosti i zdravstvenog stanja postoji opravdana bojazan da isti u kratkom roku neće moći obavljati poslove instruktora. Zbog navedenog se javlja potreba da se organiziraju tečajevi iz oblasti orijentacije kako bi se stvorili stručni kadrovi, ali u što kraćem vremenskom periodu dok još imamo našeg instruktora koji može educirati i ispitivati stručnost za sticanja zvanja trenera ili instruktora orijentacije. Svjesni širine i težine materije koja se odnosi na orijentaciju, članovi Komisije su razmatrali kojim nivoom znanja treba da raspolaže trener, a kojim instruktor, kako bi prema tome sačinili Nastavne planove i programe za edukaciju trenera i instruktora. Isto tako, svjesna promptnosti stvaranja stručnih kadrova uzrokovane gore navedenim stanjem stručnog kadra, Komisija je tokom 2022. godine sačinila Nastavni plan i program po kojem bi se organizirao tečaj za zvanje “Trener orijentacije” tokom kojeg bi se stvorila kritična masa koja bi stvarala ambijent za širenje planinarske orijentacije kako u smislu takmičenja, tako i u smislu opće edukacije planinara u ovoj oblasti.

### b) Edukacija takmičara:

U vezi ove stavke Komisija planira do kraja 2022. ili na samom početku 2023. godine organizirati tečaj za stvaranje trenera orijentacije koji bi do početka takmičenja radili sa takmičarima i pripremali ih za takmičenje. U slučaju da se ne organizira tečaj za trenere orijentacije, Komisija će u početku 2023. godine održati edukaciju kojoj bi prisustvovali takmičari iz svih udruženja članica Saveza


#### Obrazloženje:

U svojim izvještajima je Komisija već pisala o dosta niskom nivou znanja kod takmičara kako iz općeg planinarstva i prve pomoći, tako iz oblasti planinarske orijentacije. Pošto takmičari svaki put iskazuju volju i želju da se educiraju, Komisija je ustanovila da je uzrok tome nedostatak adekvatnog edukatora koji bi takmičarima u njihovim sredinama/udruženjima prenio potrebna znanja. Kako bi riješila taj problem, Komisija je prilikom svakog takmičenja održavala edukacije, ali je to nedovoljno jer je prolazio duži vremenski period između edukacija bez mogućnosti obnavljanja znanja. Pošto to nije dalo rezultate, Komisija planira organizirati tečaj tokom kojeg bi se određen broj planinara educirao u segmentima planinarske orijentacije koji su neophodni za takmičenja, nakon čega bi ti planinari u svojim matičnim društvima radili sa takmičarima i pripremali ih za takmičenje. Ukoliko ne bude mogućnosti i uvjeta za održavanje edukacije za trenere orijentacije, Komisija bi organizirala edukaciju na kojoj bi prisustvovali samo takmičari iz svih udruženja članica Saveza.



## KOMISIJA ZA ORIJENTACIJU PLANINARSKOG SAVEZA FEDERACIJE BOSNE I HERCEGOVINE

Terezija bb – Centar 'Skenderija', 71000 Sarajevo, Bosna i Hercegovina  
Tel: +387 (0) 33 55 56 86, e-mail: [bedrag@gmail.com](mailto:bedrag@gmail.com)



- c) Edukacija planinara članova udruženja koja su članovi Saveza – opća planinarska orijentacija: Komisija planira, ukoliko se javi potreba odnosno ako bude zahtjeva planinarskih udruženja članica Saveza, organizirati edukaciju planinara u segmentu opće planinarske orijentacije.

Obrazloženje:

Tokom održavanja takmičenja primjetan je veći interes planinara za oblast orijentacije, a bilo je i pitanja koja je procedura da se među planinarima održavaju predavanja iz oblasti orijentacije. Posebno je to bilo primjetno tokom održavanja IV takmičarskog kola, kada je veći broj planinara članova planinarskih društava/klubova koji su bili na manifestaciji “Dani planinara 2022” izrazio želju i interesovanje da imaju edukaciju iz oblasti planinarske orijentacije. Iz navedenog proizilazi potreba već navedena potreba stvaranja stručnog kadra u svim dijelovima FBiH koji bi po potrebi mogao vršiti edukaciju kako takmičara, tako i općenito planinara.

**Predsjednik komisije za  
orijentaciju:**

---

**Ekrem Bužimkić**